

tiam administrare, ut nostra fidei commissi populi jus, & honestatem colentes, placide tranquillèque viverent, nisi eò etiam perducerentur, ut Deum creatorem suum ac redemptorem ex verbo ipsius rectè cognoscerent: (nam id unicum est firmum fundamentum, cum ceterarum virtutum, tum vel maxime omnis obedientia & vera erga Deum pietatis) cœpimus toto animo de ista re cogitare, nihil cupientes prætermittere, quod ad eam beatitudinem, tum parandam, tum conservandam pertineret. Etsi autem & ab ijs, qui nos proximè antecesserunt, cognatis nostris Palatinis ac Electoribus (quorum memoriam cum amore & reverentia usurpamus) varia utiliter & piè instituta sunt, ad gloriam Dei illustrandam, & populum in officio retinendum: tamen ut ipsi in principio gubernationis nostræ experti sumus, non ea adhibita est diligentia in illis exsequendis, & ad utilitatem